

**61a IKUE KONGRESO**  
**30a de aŭgusto - 6a de septembro en Rimini, Italio**

**Verbum Domini - La parolo de Dio**  
**"Nia politiko: paroli kaj preĝi" (Paŭlo la 6a)**

Inter la multaj taskoj de la eklezia komunumo en la nunepoka mondo estas evangelizado kaj ekumenismo. Ili baziĝas sur la Parolo de Dio kaj samtempe ili ricevas motivon kaj forton el ĝi. La misiista agado de la Eklezio por sia evangelizado ĉerpas inspiron kaj celon el la mizerikorda revelacio de la Sinjoro. La ekumena dialogo devas esti animata de konstanta orientado de la origina Parolo, kiun Dio liveris al Sia Eklezio, por ke oni legu, komprenu kaj travivu ĝin en ĝia kunuleco. La Parolo estas trezoro, kiun la Eklezio posedas ekde la komenco kaj kiun ĝi devas daŭre remalkovri. Al tio la Papo invitas la tutan Eklezion, per konstantaj instigoj, kaj aparte, per la arigo de la venontoktobra Sinodo de la Episkopoj, dediĉita al la temo *"La Parolo de Dio en la vivo kaj misio de la Eklezio"* (Vatikano, 5an-26an de oktobro 2008).

Ni, katolikaj esperantistoj, devas senti pli forta la vokojn al evangelizado kaj ekumenismo, ĉar ili estas kernaj motivoj de nia movado: paroli kaj dialogi, preĝi kaj mediti.

Dum la kongreso ni klopodos, deirante el ĉiutaga renkonto kun Kristo en la Eŭkaristio (la Parolo de Dio estas unu el la du bankedoj de la Meso) pliprofundigi nian agadon, relanĉi nian ateston, sed ĉefe remalkovri la gravecon de la Parolo de Dio en nia vivo, ankaŭ en nia movada vivo. Kaj ĉar unu el la taskoj de evangelizado estas konigi la Parolon de Dio, ni klopodos kompreni kiel la nuna E-traduko de la Biblio spegulas fidele la Dian mesaĝon, aŭ ĉu necesas aktualigi tiun tradukon.

Ni deziras proponi nian ateston, tiun, kiun laŭ mondumaj vortoj nomiĝas "nia politiko": ĝi povas resumiĝi per la vortoj de Papo Paŭlo la 6a (al kiu la kongreso omaĝos en la 30a datreveno de lia naskiĝo al la ĉielo): paroli kaj preĝi. Kiu esperantista asocio estus tiu, kiu ne parolas? Kiu katolika asocio estus tiu, kiu ne preĝas?

Kaj kiel proponi al la Eklezio kaj al la mondo nian mesaĝon? Ĉar fakte, kiel parto de la universala Eklezio, ni katolikaj esperantistoj deziras doni nian humilan kontribuon al la granda meditado kiu koncernas ĉiujn sektorojn prepare al la granda eklezia evento de oktobro, sed ĉefe akcepti la inviton de Papo Benedikto la 16a: levi la rigardon kiu tro atentis la materiajn aferojn, por malkovri tiujn spiritajn, por ke la Parolo de Dio fariĝu nia nutraĵo kaj ni povu koni kaj fari, kiel Jesuo, ne nian volon, sed tiun de la Patro (kp Joh 4,34).

La kongresa urbo estas jam sufiĉe bone konata inter Esperantistoj. Ni nur menciui, ke ĉi jare oni celebras 100-jarojn de Esperanto en Rimini.

La kongresa programo kiel kutime disvolviĝos ĉirkaŭ la preĝejo de Sanktaj Johano kaj Paŭlo en ĉemara urboparto San Giuliano Mare.

La kongresan pilgrimadon ni direktos al Osimo, loko kie la 18an de septembro 1663 mortis Sankta Jozefo el Kupertino, konata mistikulo. Krome, li ankaŭ estas patrono de pilotoj, flugistoj, flugpasaĝeroj, kosmonaŭtoj, paraŝutistoj kaj studentoj.

**aktualaj informoj: [www.esperokatolika.org/kongreso2008](http://www.esperokatolika.org/kongreso2008)**

## KOTIZOJ

**Tarifo A:** iamaj socialismaj landoj de Eŭropo escepte de tiuj en kiuj hodiaŭ cirkulas papera Eŭro; ĉiuj landoj de Azio (escepte de Arabio, Israelo, Japanio, Malajzio, Sudkoreia Respubliko), Afriko (escepte de Sudafriko), Latina Ameriko, Oceanio (escepte de Aŭstralio, transmaraj teritorioj de Francio).

**Tarifo B:** Ĉiuj mondaj landoj ne inkluzivitaj sub A.

<b>KONGRESA ALIĜKOTIZO (nerepagebla kaj netransdonebla!)</b>		
	<b>A</b>	<b>B</b>
<b>ĝis la 30-a de junio</b>	<b>15 EUR</b>	<b>50 EUR</b>
<b>de la 1-a de julio</b>	<b>40 EUR</b>	<b>70 EUR</b>
<b>Infanoj ĝis 9 jaroj aliĝas senpage</b>		

<b>LOĜ-kotizo (por persono, por la tuta kongresa periodo)</b>		
	<b>A</b>	<b>B</b>
<b>2-lita ĉambro</b>	<b>150 EUR</b>	<b>230 EUR</b>
<b>1-lita ĉambro (limigita nombro)</b>	<b>230 EUR</b>	<b>310 EUR</b>
<b>3-4-lita ĉambro</b>	<b>125 EUR</b>	<b>200 EUR</b>
<b>Partaj partoprenantoj – kosto por persono, unu plena pensio</b>		
<b>2-lita ĉambro</b>	<b>28 EUR</b>	<b>40 EUR</b>
<b>1-lita ĉambro (limigita nombro)</b>	<b>39 EUR</b>	<b>50 EUR</b>

## ĜENERALAJ INSTRUKCIOJ, bv. atente legi:

\* Supraj prezoj inkluzivas: plenan pensionon en 2 kaj 3 stelaj hoteloj je pieda distanco de la preĝejo, kongreso, maro kaj same ne tro for de la centro de la urbo. La prezo inkluzivas impostojn servojn kaj aldonvaloran imposton.

\* La trinkaĵoj konsistas el ½ litro da akvo kaj ¼ litro da vino por ĉiu persono kaj ĉe ĉiu manĝo.

\* **SE VI MENDAS HOTELON: kune kun la aliĝkotizo Vi devas antaŭpagi 100 EUR antaŭ la 30a de junio. La antaŭpago por la hotela restado estas deviga.**

**Kiu aliĝas depost la 30a de junio, tiu devas pagi la aliĝkotizon kaj la tutan sumon por la hotela mendo, sed nepre post certigo de la organizantoj, ke estas ankoraŭ liberaj ĉambroj (oni ne garantias plenumon de la hotelaj mendoj).**

**KIU SENDAS NUR ANTAŬPAGON, TIU DEVAS, DE LA UNUA ĜIS LA DEKA DE AŬGUSTO, FINPAGI LA MENDITAJN HOTELAJN SERVOJN, por eviti ke la mendo estu nuligita.**

\* **Kaze de malmendo, estas aplikataj jenaj forprenoj de la enpago:**

- **25% de la pagita sumo se la malmendo okazas ĝis la 30a tago antaŭ la komencdato de la menditaj servoj;**

- **50% de la pagita sumo se la malmendo okazas ĝis la 14a tago antaŭ la komencdato de la menditaj servoj;**

- **75% de la pagita sumo se la malmendo okazas ĝis la 3a tago antaŭ la komencdato de la menditaj servoj;**

- **Neniu repago post la indikita datlimo. Kaze de interrompo de restado, neniu repago estos farata.**

\* la aliĝo validas post la ricevo kaj de la aliĝilo kaj de la aliĝkotizo. Ĉiuj aliĝintoj ricevos la konfirmon de la aliĝilo kaj informoj kiel atingi la kongresejon, respektive la hotelon.

**PAGMANIERO:**

**BANKO:**

Banca Popolare VALCONCA-Rimini/Italio.

Konto je nomo: CER-ES- Rimini- Pastro Duilio Magnani

IBAN: IT19 M057 9224 204C C078 0001 079

**SWIFT: BPVMIT2R**

**UEA:**

*konto "ikue-v" de Internacia Katolika Unuiĝo Esperantista - Romo, Italio*

Oni ne FORGESU skribi la kialon de la pago.

*Se vi havas iajn demandojn pri la kongresa programo, pagmaniro aŭ simile bv. turni vin al la jena adreso:*

*[marija@catholic.org](mailto:marija@catholic.org) , fakse: +385 1 37 45 052 aŭ per ordinara poŝto al la adreso: Marija Belošević, Sveti Duh 130, HR-10000 Zagreb, Kroatio*

**PROVIZORA KONGRESA PROGRAMO**

*sabato, 30a de aŭgusto:* Akcepto kaj loĝigo; meso, rozario

*dimanĉo, 31a de aŭgusto:* Inaŭgura meso, inaŭguro de la kongreso, enkonduka prelego, vespera programo

*lundo, 1a de septembro:* Meso, prelegoj teme ligitaj al la kongresa temo, Anĝeluso, studgrupoj, rozario, vespera programo

*mardo, 2a de septembro:* Meso, ĝenerala kunveno de IKUE, Anĝeluso, prezento de la ekskurso, rozario

*merkredo, 3a de septembro:* Tuttaga pilgrimo al Osimo: meso en sanktejo de sta Jozefo el Kupertino (1603.-1663.) kaj Rozario en Maria sanktejo en Campocavallo di Osimo. (tagmanĝo el la sako) GRAVE: pilgrimo estas parto de la oficiala programo, sekve ĝin rajtas partopreni ĉiuj aliĝintoj al la Kongreso.

*ĵaŭdo, 4a de septembro:* Meso, vizito al la katedralo de Rimini, prelegoj teme ligitaj al 150-jara jubileo de Lurdo, rozario, vespera programo

*vendredo, 5a de septembro:* Meso, prelegoj ligitaj al la agado de IKUE, Anĝeluso, libera posttagmezo (ebleco ekskursi al «Eta Italio» proprakoste), internacia vespero, fermo de la kongreso

*sabato, 6a de septembro:* dankmeso

**GRAVE**

**Personoj kiuj bezonas vizon por eniri Italion kiel eble plej baldaŭ informiĝu ĉe la plej proksima itala ambasadejo pri la kondiĉoj ricevi la vizon.**

**La plenigitan aliĝilon kun la kopio de la pasporto ĉe la paĝo(j) kie troviĝas la foto kaj datumoj sendu al la adreso:**

**Don Duilio Magnani, Viale Zavagli 73, IT-47900 Rimini, Italio.**

